

CAPVT II.

Von Marchiren.

Wann ein Lager fortzeucht / so wird die Ordnung im Marchiren folgender gestalt am besten angestellt:
 1. Ziehen voran etliche Cornet Reutter / wegen die Strassen zuentdecken. 2. Ein theil Pioneurs vnd Zimmerleut / vmb Weg vnd Steg zu bessern / daß das Geschütz vnd Munition Wägen ohne ver hinderung hernacher kömen könen. 3. Marchiren etliche Compagni Fußvolck / denen ein theil Proviand: vnd Munition Wägen hernach folgt / darauff kommen wider Reutter / wie auch nach denen Rüstwägen / vnd alsdann Fußvolck / immer eins vmb das ander / biß endlich der Zug auch mit Reutterey beschlossen wird.

Das Fußvolck marchirt 5. oder 7. starck in einem Glied / ein Mann neben dem andern / auch 2. Schuch vngesezt / vnd ein Glied nach dem andern / auff 5. Schuch nach / die Reutter ziehen gemeiniglich 5. starck in einem Glied / bey dem Geschütz ziehen allzeit gemeiniglich die Cannonieurs vnd Pionieurs, wie auch bey den Rüstwägen allzeit Schmide vnd Wagenmeister seind. Wann man den Feind hinder sich hat / ihm aber kein Stand halten wil / so muß man auch durch Wald vnd enge Weg forziehen / damit er keine gelegenheit hab sich zu colligiren vnd anzugreifen / Wann man aber mit dem Feinde zu schlagen begehrt / so ziehet man durch das offene breite Felde in solcher Ordnung / wie aus beygesetzter Figur zu sehen.

W

CAP.